

नमो नमो निम्मलदंसणस्स
पू. आनंद-क्षमा-ललित-सुशील-सुधर्मसागर गुरुभ्यो

33/२

वीरत्थव-दशमं पईण्णगसूत्तं

मुनि दीपरत्नसागर

Date: / / 2012

Jain Aagam Online Series 33/2

गंथाणककमो

कमं	विसय	सुतं	गाहा	अणुक्कम	पिटुंको
१	समणं मगवं महावीर	—	१-४३	१-४३	३-५

- [१] नमिऊण जिणं जयजीवबंधवं भवियकुमुयरयणियरं ।
वीरं गिरिदधीरं थुणामि पयडत्थनामेहिं ॥
- [२] अरुह अरिहंत अरहंत देव जिन वीर परमकारुणिय ।
सव्वन्नु सव्वदरिसी पारय तिक्कालविउ नाह ॥
- [३] जय वीयराय केवलि तिहुयणगुरु सव्व तिहुयणवरिट्ठ ।
भयव तित्थयर ति य सक्केहिं - नमंसिय जिणिंद ॥
- [४] सिरिवद्धमाण हरि हर कमलासन पहुम नामधेएहिं ।
अत्रत्थगुणजुएहिं जडमई वि सुयाणुसारेण ॥
- [५] भयबीयंकुरभूयं कम्मं डहिऊणं झाणजलणेण ।
न रुहसि भववनगहणे तेण तुमं नाह अरुहोसि ॥
- [६] घोरुवसग्ग-परीसह-कसाय-करणाणि पाणिणं अरिणो ।
सयलाण-नाह ते हणसि जेण तेणा ऽरिहंतो सि ॥
- [७] वंदण-थुणण-नमंसण-पूयण-सक्करण-सिद्धिगमणम्मि ।
अरहो सि जेण वरपहु तेण तुमं होसि अरिहंतो ॥
- [८] अमर-नर-असुरवरपहुगणाण पूयाए जेण अरिहो सि ।
धीरत्त मणुमुक्को तेण तुमं देव अरिहंतो ॥
- [९] रहु गड्ढिं सेससंगहनिदरिसणमंतो गिरिगुहमणाणं ।
तं ते नत्थि दुयं पि हु जिणिंद तेणारहंतो सि ॥
- [१०] रहमग्गंतो अंत पि मरणमवणीय जेण वरनाणा ।
संपत्तिनिययसरूवो जेण तुमं तेण अरहंतो ॥
- [११] न रहसि सद्दाइ मनोहरेसु अमनोहरेसु तं जेण ।
समयारंजियमण-करण-जोग तेणारहंतो सि ॥
- [१२] अरिहा जोग्गा पूयाइयाण देविंद-ऽनुत्तरसुराई ।
ताण वि अंतो सीमाकोडी तं तेण अरहंतो ॥
- [१३] सिद्धि बहुसंगकीलापरो सि विजई सि मोहरिउग्गे ।
नंतसुहपुत्रपरिणइपरिगय तं तेण देवो ति ॥

- [१४] रागाइवेरिनिक्किंतणेण दुहओ विवयसमाहाणा ।
जयसत्तुक्करिसगुणाइएहिं तेणं जिणो देव ॥
- [१५] दुट्ठसट्ठकम्मगंठिप्पबियारणलद्धलट्ठसंसद्द ।
तवसिरिवरंगणाकलियसोह तं तेण वीरो सि ॥
- [१६] पढमवयगहणदिवसे संकंदणविनयकरणगयतण्हो ।
जाओ सि जेण वरमुनि अह तेण तुमं महावीरो ॥
- [१७] सचराचरजंतुदुहत्तभत्तयुयसत्त सत्तु-मित्तेसु ।
करुणरसरंजियमणो तेण तुमं परमकारुणिओ ॥
- [१८] जे भूय-भविस्स-भवंति भाव सब्भावभावणपरेण ।
नाणेण जेण जाणसि मन्नसि तं तेण सव्वन्नु ॥
- [१९] ते कसिणभुयणभवणोयरि ट्ठिया नियनियस्सरूवेण ।
सामन्नओऽबलोयसि तेण तुम सव्वदरिसि ति ॥
- [२०] पारं कम्मस्स भवस्स वा वि सुयजलहिणो व नेयस्स ।
सव्वस्स गओ जेणं भन्नसि तं पारगो तेण ॥
- [२१] पच्चुप्पन्न-अणागय-तीयद्धावत्तिणो पयत्था जे ।
करयलकलियाऽऽमलय व्व मुणसि तिक्कालविउ तेण ॥
- [२२] नाहो सि नाहऽनाहाण भीमभवगहणमज्झवडियाण ।
उयएसदानओ मग्गनयणओ होसि तं जेण ॥
- [२३] रागो रई सुभेयरवत्थुसु जंतूण चित्तविनिवेसो ।
सो राओ दोसो उण तव्विवरीओ मुणेयव्वो ॥
- [२४] सो कमलासन-हरि-हर-दिनयरपमुहाण मानदलणेण ।
लद्धेक्करसो पत्तो जिन तुह मूले तओ तुमए ॥
- [२५] जं मलण-दलण-विहलण-कवलणविसमच्छजोयजीओ वि ।
कर-चरण-नासण-कररुह-अहरदलं वसइ अनुजं व ॥
- [२६] दोसो वि कुडिलकुंतल-भू-पम्हल-नयणतारियमिसेण ।
गुरु निक्करणं सूयइ तं मत्ते गुणकरे लहुणो ॥
- [२७] जइ वि बहुरूवधारी वसंति ते देव तुह सरीरम्मि ।
तक्कयविगाररहिओ तह यि तुमं वीयरागो ति ॥

- [२८] जं सव्वदव्व-पज्जवपत्तेयमनंतपरिणइसरूवं ।
जुगवं मुणाइ तिक्कालसंठियं केवलं तमिह ॥
- [२९] तं ते अप्पडिहयसत्तिपसरमनवरयमदिगलं अत्थि ।
मुणिणो मुणियपयत्था तेण केवलं बिंति ॥
- [३०] पंचेदिसन्निणो जे तिहुअणसद्देण तेऽत्थ गेज्झंति ।
तेसिं सद्धम्मनिओयणेण तं तिहुयणगुरु ति ॥
- [३१] पत्तेयर-सुहुमेयरजिएसु गुरुदुहविलुप्पमाणेसु ।
सव्वेसु वि हियकारी तेसु तुमं तेण सव्वो सि ॥
- [३२] बल-विरिय-सत्त-सोहग्ग-रूव-विन्नाण-नाणपरो सि ।
उत्तमपयकयवासो तेण तुमं तिहुयणवरिट्ठो ॥
- [३३] पडिपुत्ररूव धन धम्मं कंति उज्जमजसाण मयसन्ना ।
ते अत्थि अविवला तुम्ह नाह तेयासि भयवंतो ॥
- [३४] इह परलोयाईयं मयं ति वावन्नयंति सत्तविहं ।
तेण च्चिय परिवन्तो जिणेस तं तेण भयवंतो ॥
- [३५] तित्थं चउविहसंघो पढमो च्चिय गणहरोऽहवा तत्थं ।
तत्तित्थकरणसीलो तं सि तुमं तेम तित्थयरो ॥
- [३६] एवं गुणगणसक्कस्स कुणइ सक्को वि किमिह अच्छरियं
।
अभिवंदणं जिणेसर ता सक्कऽभिवंदिय नमो ते ॥
- [३७] मनपज्जवोहि-उवसंत-खीणमोहा जिण ति भन्नंति ।
ताणं चिय तं इंदो परमिस्सरिया जिणिंदो ति ॥
- [३८] सिरिसिद्धत्थनरेसगिहम्मि धण-कणय-देस-कोसेहिं ।
वड्ढेसि तं जिनीसर तेण तुमं वद्धमाणे सि ॥
- [३९] हरि सि तुमं कमलालय करयलगय-संख-चक्क-सारंगो ।
दानवरिसो ति जिनवर तेण तुमं मन्नसे विण्हू ॥
- [४०] हरसि रयं जंतूणं बज्झं अब्भिंतरं न खट्टंगं ।
न य नीलकंठकलिओ हरो ति तं मन्नसे तह वि ॥
- [४१] कमलासणो वि जेणं दाणईचउहधम्मचउवयणो ।

हंसगमणो य गमणे तेण तुमं भन्नसे बंभो ॥

[४२] बुद्धं अवगयमेगट्ठियं ति जीवाइतत्तसविसेसं ।
वरविमलकेवलाओ तेण तुमं मन्नसे बुद्धो ॥

[४३] इय नामावलिसंथुय सिरिवीरजिणिंद मंदपुत्ररस्स ।
वियर करुणाइ जिनवर सिवपयमनहं धीरं वीर ॥

३३/२

‘वीरत्थव’ दशमं पइण्णयं समत्तं

मुनि दीपरत्नसागरेण संशोधितः सम्पादितश्च वीरत्थवो समत्तं